

Das xxvij. Capitel.



Es ist zuwissen das der horizon oder der erst Almicantharat in vier quart geteylt wirdet/ vnd welche die Erst anzeyge den punct da der nacht gleicher den horizon durchschneydet in Orient/ in welchem puncten so die Sonn auf geet/wenn sy im erstem grad des widers oder der wag ist/ so geet sy der gangen welt zugleich auff/dann an disem ort ist der recht auffgang/ vnd dyse quart endet sich in der mittag linia/dise quart ist des aufgangs mittäglich quart genent. Die ander quart hebt an der mittag linia vnd geet byß an das ort da ð equinoctialis das erst almicantharat durchsneidet in occident oder nidergang/vnd so die Sonn im ersten grade des Widers oder der Wag ist/so geet sy am selben ort zu gleich der gangen welt vnder/dann es ist der war vndergang/Dyse quart ist die mittäglich nydergangend quart genent. Die drit quart hebt am selben orth an/da die ander auf hört/vnd geet byß auff die mittag linia/da sy das erst almicantharath durchschneydet/vnd wirt die nydergangend mitnachtlich quart genent. Aber die vierdt vnd legt quart hebt an da sich die drit endet/vnd wert piß zu dem anfang der ersten quart in Orient/vnd wirt die mitnachtlich anfangend quart genent vnd ein yegliche quart helt von irem anfang piß inn ir end 90.grad/vnd die Azimuth zeygen vns dieselben grad/darüb so du in einer yeglichen quart 90.Azimuth hettest / so bedeut ein yeglich Azimut ein grad/hast aber in yeglicher quart 45 azimut/thut eins zwen grad/so du aber 30.azimut in einer quart hast/so thut eins 3.grad/vnd wañ du 15.hast/ so thut eins 6.grad/vnd zu legt wañ du 9.azimut hast/ so thut eins 10.grad.

Darnach ist zumercken/das hie das zenith des auff vnd nydergang der Sonnen oder eins andern sterns nit für den hauptpunct der Sonnen oder des sterns genomen wirt/son

„ nacht

Azimut,